

սպառիկելով յսկասանի և ի խաղաղութեան
կարենայ սպասաւորել իր եկեղեցւոյն» . . . :

Մարդ կարգալով այս տողերը, որոնք
այնքան հեռու են զայն ստորագրողին իսկ
համոզումը ըլլալէ և որոնք կը նկրտին ա-
ռաքինութեան և ուղղամտութեան դափ-
նեպսակով զարգարելու ճակատը մարդու
մը՝ որ բարոյական ինկածութեան ամէնէն
հազիր երևոյթները ի յայտ կ'ածէ ոչ միայն
ցոփակեաց կեանքի մը գայթակղութիւնը
սփռելով իր շուրջը, այլ կը դաւէ իր Եկե-
ղեցիին դէմ նենգութեամբ՝ գաղտնի և ծա-
ծուկ բանակցութիւններով, և չի վարա-
նիր՝ իր հօտին կամքին հակառակ՝ իշխե-
լու համար օտար միջամտութիւն հրաւի-
րելու և իր հակառակորդները իբր մատնիչ
ներկայացնելու և օտար կառավարութիւն-
ներ անոնց դէմ գրգռելու, պարզապէս
կ'ահարեկի և իր աչքին առջև կը մեծնայ
պատկերը, անոնց որոնք ոչ մէկ տէր ու
տիրական, ոչ մէկ ոյժ ու ազդեցութիւն,
ո՛չ մէկ նեցուկ ու յենարան ունենալով,
քաջութեամբ կը դիմադրաւեն այնքան հը-
զօր ազդեցութեանց և ոյժերու դէմ, միայն
հաւատքով ու համոզումով և աշխարհիկ
կեանքի վայելքներու արհամարհանքով՝
խստաբեր կեանքի մը ընծայած առաքի-
նութեան շնորհին ուժով օժուն, կուրծք